

HIERONYMUS.

¹ **THARSIS**, unde aurum afferebatur Salomoni, hanc putat Josephus Tharsum urbem esse Ciliciæ. Porro juxta Ezechielem prophetam Carthago sentitur. Siquidem in eo loco secundum Septuaginta interpretes legimus Carthaginem, in Hebræo habemus Tharsis scriptum. Nonnulli Indiam putaverunt, & de hoc tam in libro epistolarum, quas ad Marcellam scripsimus, quam in libro Hebraicarum questionum plenius diximus.

² **THARTHAT**, quam in terra Judææ Evæi condiderunt.

THEBATH, una ex urbibus Adarezer abstulit 1 Paral. xviii. v. 8.

³ **THEBES**, urbs, quam cum oppugnaret Abimelech fragmine molæ ictus interiit. est autem usque hodie vicus nomine Thebes in finibus Neapoleos pergentibus Scythopolim quasi in tertio decimo ejus lapide.

⁴ **THECUA**, usque hodie juxta desertum civitatis Eliæ vicus ostenditur, unde & Amos propheta fuit.

⁵ **THELAMAGE**, locus in quo Abner misit ad David. sed sciendum quod pro hoc verbo Aquila interpretatur, extemplo, Symmachus, pro semetipso.

THELASSAR. Vide supra THALASSAR.

THELHARSA, urbs in regione Babylonis 1 Esdræ ii. v. 59. & 2 Esdræ vii. v. 61.

THELMALA vel **THELMELA**, 1 Esdræ ii. v. 59. & 2 Esdræ vii. v. 61. urbs in regione Babylonica, ubi habitaverant Judæi aliqui, qui de captivitate redierant.

THEMA, urbs in regione Ismaelitide, Job vi. v. 19. Hierem. xxv. v. 23. à **THEMA** uno è filiis Ismaelis, de quo habes Gen. xxv. v. 15. & 1 Paral. i. v. 30. ita nuncupata.

⁶ **THEMAN**, regio Principum

EUSEBIUS.

Θαρσῖς, ὅθεν ἤρχετο τῷ Σολομῶντι χρυσός· κατὰ μὲν τὸν Γῶσηπον, Ταρσός ἐστιν ἡ τῆς Κιλικίας. κατὰ δὲ τὸν Γεζεχὶλ, Καρχηδών. ἀντὶ γὰρ παρὰ τοῖς ὁ καί μιν Καρχηδόνος, τὸ ἐβραϊκὸν ἔχει Ταρσός· ἄλλοι δὲ τὴν Ἰνδὴν ὑπετύπωσαν.

Θάρθακ, ταύτην ἐκτίσαν ἐν τῇ Γεδάια οἱ Εὐαῖοι.

Θάρακ, ταύτην ἐκτίσαν ἐν τῇ Γεδάια οἱ Εὐαῖοι.

Θήβης, πόλις, ἔνθα πολεμοῦντος Ἀβιμέλεχ, ἀπὸ τοῦ πύργου γυνὴ κλάσμα μύλων ἐπὶ τὴν κεφαλὴν αὐτοῦ ἐρίψεν. ἐστὶν ἐν ὁρίοις Νεαπόλεως Θήβης, νῦν λεγομένη κάμη, ὡς ἐπὶ Σκυθόπολιν ἀπὸντων ἐπὶ τὸ τρίτος καὶ δεκάτον σημεῖον.

Θεκῶ, ἡ νῦν Θεκῶε, ἐστὶ παρὰ τὴν ἔρημον Αἰλίας, πόλις τὸ πρὶν οὖσα φυγαδευτηρίς, ὅθεν ἦν Ἀμμεῶς ὁ πορφύτης.

Θηλαμεγῆ, ἔνθα ἀπέστειλεν Ἀβεννὴς πρὸς Δαβὶδ. Ἀκύλας, παραχρῆμα. Σύμμαχος, αὐτὸν αὐτοῦ.

EUSEBIUS.

THARSIS, unde veniebat aurum Salomoni. juxta Josephum quidem Tharsis est Ciliciæ, juxta Ezechielem verò Carthago. nam apud Septuaginta pro voce posita Carthaginis, Hebræa habent Tarsus. alii Indiam imaginati sunt.

THARAC, hanc in Judæa condiderunt Evæi.

THEBES, civitas, in qua belante Abimelech, mulier è turri fragmen molæ in caput ejus conjecit. est in finibus Neapoleos Thebes, quæ nunc dicitur vicus quasi in decimo tertio milliaro pergentibus Scythopolim.

THECO, quæ nunc Thécœ, est juxta desertum Eliæ civitas prius refugii, unde fuit Amos propheta.

THELAMUGE, quo misit Abenner ad David. Aquila, confestim. Symmachus, pro seipso.

THEMAN, Regio principum

NOTÆ.

1. Quid *Tharsis* in Scriptura sit supra modum obscurum est, multique in eâ re definiendâ valdè laborarunt, præsertim cum iis locis, quibus in Hebræo habetur *Tharsis*, versio nostra & Septuaginta interpretes subinde quidem illam vocem retineant, aliâs *Carthaginem*, aliâs *mare* reddant. Josephus *Tarsicum mare* vel *regionem*: alii quampiam in *India* regionem: Pineda in suo Salomone *Tartessum in Hispaniâ Tharsis* nomine intelligunt: quæ opinionum diversitas perspicuè declarat hujus rei obscuritatem. Ego quid de eâ sententiam indicavi ad Cap. 10. Gen. v. 4. deque ea re fortè plura ad 3 Reg. 10. v. 22. in eâque etiamnum perito sententiâ, debere unam aliquam hujus vocis notionem reperiri, quæ omnibus locis Scripturæ adaptari possit, eamque puto esse, ut hoc nomine universim significentur ea loca, quæ navibus adiri debeant, sive eâ insulâ sint, sive loca transmarina, quæ commodè terrâ adiri non possint, nisi longo circuitu & magnis diverticulis. Unus in Scripturâ locus est, Judith 2. v. 13; ubi filii *Tharsis* pro *Tharsensibus* & *Cilicibus* videri possint positi. Sed quid de eâ re sentiamus supra diximus in *Meloth*. BONFRERIUS.

2. In versione nostra *Tharthac* habetur 4 Reg. 17. v. 31. verum non *urbis*, sed *Idoli* nomen est, ut perspicuè liquet, siquid totum illum locum attentè examinet; ut merito mirère, qui factum sit, ut omnia ista *idolorum* nomina, quæ Samaritani è diversis confluentes regionibus fabricarunt, quasi pro *urbium* nominibus hic liber de locis Hebræis acceperit; quem lapsus nemo facile Hieronymo adscripserit. IDEM.

3. De hac habes Judic. 9. v. 50. ubi & in sequentibus v. 53, 54. *Abimelechi interitus* subjicitur. IDEM.

4. Urbis nomen est in *tribu* Juda ad Austrum Jerusalem, & Bethlehem; ab hac sex milliaribus Italicis, ab illa duodecim distans, sic ut in media via esset Bethlehem. Ab hac urbe desertum vicinum *desertum Thecæ* in Scriptura appellatur; De hac urbe & vicino deserto

vide quæ dicturi sumus ad 2 Reg. 14. v. 2. IDEM.

5. Mihi perspicuum est, hanc vocem imprimis hic omnino corruptam & mendosam esse, pro qua legimus in codice Romano, *Adino*, & Basilicensi *Thalam* 2 Reg. 3. v. 12. pro qua & versio nostra habet, *pro se*. Adde vero & vocem illam *Thalam* planè esse spuriam & adulterinam, cum ei nulla istiusmodi vox in Hebræo respondeat, sed *תחת* *tachthau*, quod id significat, quod Hieronymus & Symmachus expresserunt. IDEM.

6. *Theman* regionis vel *urbis* alicujus primariæ esse nomen apud Idumæos manifestè liquet ex Hierem. 49. v. 7, 20. & Amos 1. v. 11, 12. adversum *Idumæam* prophetantibus. Ab hac dicuntur incolæ *Themani* & *Themanitæ* in Scriptura. De filio *Eliphaz* ac nepote *Esaü* *Theman* dicto, à quo huic urbi inditum nomen, habes Gen. 36. v. 11, 15. & 1 Paral. 1. v. 36, 53. Porro filius Ismael non *Theman*, sed *Thema* dictus est. Pro *Australi* regione sæpè hoc nomen in Hebræo ponitur, ob idque frequenter *Austrum* vel *Africum* reddidere Hieronymus & Septuaginta interpretes, sed & idem nomen *Theman* in ea significatione sumptum retinent subinde Septuaginta interpretes in sua versione ut Isaiæ 21. v. 14. Ezech. 20. v. 46. & Cap. 25. v. 13. apud Abdiam v. 9. Habacuc 3. v. 3. quibus locis nostra versio *Austrum* vel *meridiem* habet. IDEM.

7. Non *Tharsis*, sed *Θαρσῖς* ut ante, vel potiùs *Θαρσῖς* legendum; id enim tam Hebræo, quàm Septuaginta interpretibus respondet. IDEM.

8. Apud Septuaginta interpretes tres voces habentur, *Θηλαμ* vel *Θαλαμ* è *ἡν*, *Thalam* ubi erat: & fortè ita scripsit Eusebius, posterioris enim voculæ abbreviatio, ut è manuscripto expressa est, ignota est, & peritorum oculos suspenderit. IDEM.

8. *Θηλαμεγῆ*] De hac ficta voce diximus, Quæstione III. Hieronymianâ,